

汪琴南編

命理集萃

十昌



# 命理集成 卷二

## 第八章 看命要訣

### 第一節 四柱消息日干論

命學發微曰。子平以日干消息四柱。是片面的。必須四柱與日干交換消息之。方盡變化。例如甲日以柱中丁火爲傷官。而柱中丁火亦以甲日爲正印。甲日以寅中丙戊爲食神偏財。而寅中丙戊亦以甲木爲偏印七殺。一授一受。一制一承。而身分定。賓主分矣。甲生丙。甲爲偏印。印主文秀。故甲見丙聰慧而慈祥。甲克戊。甲爲偏官。偏官主智慮。故甲見戊氣壯而威嚴。此如兩人相對。彼心目中。有我。而我心目中。亦有彼。除瞽目外。未有彼我對臨。而茫然不見者也。由此理推之。日與四柱相爲消息。乃自然之數也。但日辰管一日事。四柱七字悉與之生克制化。以成一日之功。假想四柱中獨缺日之干神。則七字雖具。而財官印綬等。卽無從而起。與家國無君長。而五倫之序不明者。何異。



故主象必立於日。而吉凶之朕乃明也。如丙日以乙爲印。乙以丙爲傷官。丙見乙卽帶有乙之傷官。視乙在何宮。卽知丙之所傷何屬。如年上乙透。卽知所傷者父母是也。

第二節 論氣象

凡斷命理。形氣並重。此固有得形不得氣。或得氣不得形者。是以狀貌英偉。而一生落魄。形容委瑣。而終身通泰。論者每謂造化不足憑。殊不知皆形氣之相得與否耳。明太祖以匹夫而有天下。其命可謂尊矣。然同其八字者。代不乏人。何以未聞皆如明太祖也。近代通顯者。其儀狀不盡合相法。往往有之。亦未聞因形狀不良而沉淪也。由此參之。可知形氣關係之重矣。且此理又可以植物喻之。設吾人於同一地點。同一時間。一植松。一植蒿。則松與蒿長成後之巨細壽夭當如何。此無不知松之榮壽過於蒿殆萬倍也。夫同一時地。何以榮枯判若天淵。蓋莫非形質有以限之也。不惟如此。卽同一種類。其榮枯壽夭亦有區別。松壽矣。而松之中亦有壽之夭。蒿夭矣。而蒿之中亦有夭之壽。豈天有意厚薄於其間哉。形與氣爲之耳。故珞琿子云。厚薄觀其骨狀。成敗發於心

源。可知形氣相參之要。古人已早宣洩於數千年之前矣。（錄命學發微）

### 第三節 看命要訣雜錄

一凡人命造。須注意父母年命。如八字喜水。而父母年命爲亥子生人者。八字忌木。而父母爲甲乙生人者。吉凶之間。增損分毫。必有以異矣。

一丁爲星光。爲電火。不必甲乙生丁。庚辛金生丁尤妙。生於熱帶者。不必夏令而火旺。生於寒帶者。不必冬令而水旺。生於溫帶者。不必春季而木旺。

一四柱過猶不及。皆謂之偏枯。凡柱內遇五行偏枯者。一生必有缺憾。尤以缺火之人。無子最驗。缺水之人多好色。水多亦然。又火炎土燥。金清水冷。木盛金剛。皆主勞苦。

一七殺主威權。不必一定掌兵刑。衣食爲人生之第二生命。掌人衣食與奪之權者。則操生殺之威權。

一凡柱內僅有一財者。當然爲妻。如財多。不論正偏財皆爲外遇。初不必限於妾。故偏財疊見者多淫。

一五行衰旺。不必拘泥令月。只以干支之多助寡助爲斷。

一子午卯酉之冲。爲力最大。其他冲庫冲馬。亦不盡亡。

一凡四柱干支須天覆地載。行運亦然。如天覆而地不載。或地載而天不覆。故減力。

一本生年之第二年爲新太歲。如寅年生人見卯。柱中值之。必有革故鼎新之象。暗拱虛邀尤妙。第須爲日主所喜則吉。日主所忌則凶。（以上摘錄新命）

一五行生旺從正色。（卽木旺青之類）死絕從母色。（死絕則黑）成形冠帶從妻色。病敗從鬼色。旺墓從子色。

一凡物太過不及。皆不爲福。須大運揚抑。使歸中和。方爲吉慶。財官印食喜驛馬。其意謂財官印食之過旺者。喜得驛馬以抑之。（以上摘錄窮通寶鑑）

一凡八字得見不見之刑爲上格。病重有藥者次之。病藥兩稱者又次之。五行過於停勻者爲下。

一去神用神受傷太過。雖富貴不久。濁中有清。危中有救。雖貧賤不長。

一局全者壽。（納音亦然）食神無破者壽。旺氣所聚者亦壽。

一用損者夭。（吉神僅一見即受損害亦然）偏枯無救者夭。秀氣太微而行運不足以濟之者亦夭。

一先合而後冲者。謂之合處逢冲。以冲爲重。先冲而後合者。謂之冲中逢合。以合爲憑。墓庫宜察其幾微。破害要審夫旺弱。尤有最可注意者。無論彙合刑冲破害。應先認準誰爲主體。所謂主體。即大運之干支是也。譬諸大運在庚。而八字有甲。乃庚去冲甲。若八字有丙。方爲丙來尅庚。大運在辰。而八字有戌。乃辰去冲戌。若八字有辰。而大運在戌。方爲戌去冲辰。其於刑害彙合也亦然。皆以大運之干支爲主。至此中彙合刑冲破害。孰強孰弱。何去何從。則須視大運之干支與八字之干支。在提綱中誰爲得令。在四柱中誰爲得黨也。

一凡取用。應首審月令。有無用神。如月令無用神。則年日時皆可取用。但論其有氣無氣。不當問其是月非月。若更爲精密之研究。年上干支去日較遠。日支雖近。不足以

左右全局。皆次要者。惟時與月宜等量齊觀。進一步言。時爲尤要。蓋時爲一己所獨。且時日關係密切。於焉取用。誰曰不宜。

一八字中無可取用。乃至胎元命宮亦無可用之神。此等幾微之處。最宜注意。蓋此中往往有奇格。所謂見不見之形也。欲發覺此等現象。必於天干與地支相互之間。細加揣摩。或干與干間。或支與支間。或干支之前後左右。苟有暗藏。或可以遙衝、遙合、虛邀、隱合者皆是。但所暗藏之物。沖合邀合之物。須爲日主所喜者。或爲財官印綬食神。或爲貴人祿馬帝座。方可取貴。古今偉大人物。強半屬於此格。

一八字中支神。應分別得氣深淺。卽大運支神亦宜分別。推其吉凶。譬如己生未月。在小暑十日後。反爲木旺。癸生辰月。在穀雨三日前。反爲水旺。庚金生巳月而不弱。以其值小滿七日內也。甲生寅月而不強。以其值雨水十日前也。此外壬水生於立秋七日。正屬當旺。丁火生於寒露十日。亦爲得氣。餘可類推。又大運支神。例如午運。應以二年半行丁字。二年半行巳字。申運。應以庚壬戊各分一年零八個月。此種推算。



十有九驗。

一富貴壽夭貧賤。應至何種程度。皆於格局可以推知。若大運所係。特其一生之否泰得失。故格局既成。分際已定。精於命理。必能知之。

一論六親。須看八字中忌神在何處。見於年者。祖基不佳。見於月者。父母兄弟不利。日支損妻妾。時支損子女。此種推定。其結果較驗。

一妻妾不必皆以財斷。父母不必皆以印斷。只以喜神爲標準。例如八字喜印。日支坐印。便可認定其大佳。自餘類推。

一女命須與男命同其看法。豈可歧視。而貞淫係生理上之問題。初與道德無關。且前人判別貞淫之法。亦多未準。如貴衆、合多、桃花、紅艷、等煞。皆失之附會。惟官煞混雜者。食傷過旺者。水泛火炎者。金剛木盛者。日主干支自合者。皆不免富於性慾。（以上摘錄人鑑）

一談命者皆知以病藥爲重。其實病藥二字。極不易談。何者爲病。何者爲藥。真假之間。



最難辨別。專論月令固不可。專論日時亦何嘗便是。凡一八字當四柱并重。偏重一柱。皆非的論。

### 第九章 格局上

#### 第一節 正官格

八月正官當令。戊土為財生之。不混殺。不刑沖。乃正官格之純粹者。仍忌正官落空亡。

#### 正官格命式

才 戊寅 祿

官 辛酉 官

甲辰 財庫

才 戊辰 財庫

忌刑、衝、破、害、傷官、七煞、貪合、忘官、劫財、分福。見之者格不純粹。難以正官論。

官只一二。無財有印。身弱者無妨。

財官多日主弱。運至財煞旺地。多染癆瘵。

原有七煞。行運復遇。徒流之輩。

月見傷官之庫。若傷不成局。無黨不能爲害。

用正官格者。日干自坐財印終顯。自坐傷煞終有節病。

官星不必專泥月支。或月干。或年日時支干。只有一處未損傷。均可取用。

正官格見一位食神坐實。（卽合神如甲見丙之類）便能損局。惟月令隱祿見食。却爲三奇之貴。官星坐實。合神略虛。隨官助貴。合神坐實。官星漸弱。官隨合神。謂之貪合忘官。

正官格只喜向祿臨財。

金官職位清峻。主掌刑獄錢穀。木官品秩清高。和俗守慎。火官主炎赫。猛烈慘酷。發歇不常。水官職卑下級。陞序漸進。謙和得衆。矜恤孤寡。亦有道性。土官主穩當。難侵犯。厚重質直。法令分明。

五行之官。齊隨其性則吉。若失其性。主爲官不久。

天官鄉。月干制歲干。（甲癸人在午未。乙丙人在辰巳。丁戊人在寅卯巳。庚人在戌。亥辛壬人在申酉。遇者當食天祿。貴處朝倫。）地官鄉。月建制歲干。（甲乙人在申酉。丙丁人在亥子。戊己人在寅卯。庚辛人在巳午。壬癸人在辰戌丑未。主早承休蔭。官序易陞。）真官鄉。取命前三辰。月干與命干合。（如丙子二月生見辛卯）

又曰。真五行尅納音爲真官。此最緊福神。干頭自見官而得合者爲上。有諸神來朝者最佳。如甲寅生。納音水。得己亥。甲巳爲真土。是納音見真五行尅也。若不見太歲本干尅。但於日月時上見乙庚亦是。若止見庚。謂之偏官。比之全者減力。又不見庚。止見乙巳。乙丑。乙酉。餘位中多見申亦可用。不見申止三五分力。又如己酉己卯見丁壬。本干同受尅。不作真官。而作真鬼斷之。大小運流年逢之。災尤重。

官星重見。只作煞。推再至官鄉。災非難免。

官刑命喜。莫教命反刑官。

官印明無暗有。比如玉帶重重。時日相逢。福德勝坐十倍。

有官無印。難求清顯之名。有印無官。發不在迅速之內。

正官爲人慳吝。遇刃則偃蹇伶仃。

化煞爲官方是吉。化官爲煞禍重重。

官星坐祿（官星本祿。如辛官到酉之類）爲天福貴人。一名祿干福神。

官星所居之地。在本旬遁見。爲之真官。又爲之天官貴人。或坐天乙貴人。爲貴人頭上戴官星。

日主自坐官星。不大忌冲。主爲人伶俐好色。機變有謀。又曰。座下官星最是奇。多因祖蔭見根基。若運行往印鄉去。脫却青衣換紫衣。

年上官星爲歲德。當逢財印旺身宮。

時上官星與月同。但力輕微。發福多在晚年。或生賢子。

官印祿煞俱全。八座鈞衡之任。

三合遇貴祿。平生多財穀。（卽三合遇官局是也）

五官會聚。如甲乙人遇庚辛申酉戌己酉丑之類。有制伏吉。無制伏凶。

甲乙人得辛巳庚申。官生星壬癸人得戊申己亥戊子之例。帝旺爲上。臨官次之。長生爲

下。再遇驛馬學堂。文星天乙。不待歲運自然奮亨。反則無益。交互官星主貴。

官星六合少人知。（丁亥見壬寅之類）貴在旬中始是奇。（同一旬者爲貴）生日

生時各點入。太師太傅佩旌旗。

甲人見辛月丙日癸時。謂之官下有官。主官職高崇。

己丑得甲寅。辛丑得丙寅。命前一辰之類爲真官。

正官一位。乃君子貴人。篤厚純粹。剛直廉明。年時有印尤妙。多則反主成敗。四位純官。

仕宦虛名。

以當生官星爲祿元。最怕衝壞。

逢官用印。不怕煞。因煞局印。印局身。

身衰鬼旺。應須肢體傷殘。身旺鬼衰。定作凶徒之命。鬼身皆衰。男必飄蓬。女作師尼。官鬼皆全。遐齡不遂。

論財官不論格局。論格局不論財官。

官煞混雜。爲人好色多淫。作事小巧寒賤。又曰。混雜官煞。奔走衣食。衝官無合。乃飄流之徒。

正官逢七煞剝傷。求生一世忙忙。

官印在刑囚之地。心亂身忙。日時在鬼墓之鄉。憂多樂少。

官在長生須富學。

官藏煞見。定招非橫之災。煞沒官明。當膺藩輔之柄。

有馬無官而身賤。

正官被合。平生名利皆虛。

官星如遇比劫。雖官無貴。

七官八官。月建官而爲富。

官星在生旺之方。逢則何須發見。

官星爲一身之貴氣福源。第一切事。

官居煞地。難守其官。

祿到長生原有印。清任加官。

生月帶祿。入仕居赫奕之尊。

詞館學堂主科名。（詞館官祿長生。學堂本主長生）若無官貴定虛名。

魁星若也逢官位。定是神童腹隱貴。

真官時遇命強。早受金紫之封。

丙子丁亥辛巳庚午等日爲真官。有戊無破爲福神治世。

歲月正官。七煞混淆人下賤。

官坐刃頭終被刑。（如甲日見辛卯。官不得令。反被卯中丁火傷尅）



純官身旺無雜。官居極品。

祿馬背逐。饑寒兮。財印相破。括囊兮。喜官帶煞爲權。愛煞帶官爲貴。官殺單見。瑣瑣不遂。（祿馬背逐。財印相破。須官殺疊見。方能制比劫而生財。生印綬而化財。單見則力薄弱。豈能遂意。）

官星帶刃無尅。破掌兵刑之大權。財印相資沒刑冲。登黃閣三公之貴。財官生旺逢印綬。拜薇垣憲府之尊。

福德見財而隱官。居極高之重任。

二德配官。王陵爲漢朝之相。

官星帶刃。萬里封侯。歲月得時。爲將爲相。

財官生旺。天干透露爲奇。

財旺生官。印刃相扶爲妙。

透印綬而格得財官。早歲鎮邊隅之重任。

官星帶刃。而印綬帶煞。玄齡步唐代之瀛洲。  
居翰苑而掌絲綸。爲正官歸祿於四柱。

年正印而月正官。居國監翰林之任。

刃重官輕。業屠沽於市井。

財官雙美。透露極榮。

官星得令。制伏諸凶。

正官得時。令有印不如財。

財旺生官。白身榮顯。

正官旺而略沾滋味。

職崇位顯。爲緣馬會官星。

祿到長生。原有印。清任加官。

官居煞地。難守其官。煞在官鄉。豈能變煞。  
（官爲純雅之貴人。煞乃奸邪之暴客。官居

煞黨。其勢不能獨立。必混化而爲煞。雖官有純雅之風。安能守之。煞乃剛暴之人。雖在官星禮義之鄉。終不由禮義而化。故不能變煞爲官也。

官氣混求。妙在各支匹配。（既重犯奇儀之格一體也。謂如官煞混紊。一有所配。一有未歸乘者。須得歲運更配其未歸偶者吉。或官煞柱中各尋所合所制則佳。有過不及。又有消息極爲切事。又有兩官一煞。兩煞一官。皆此類矣。如用土爲日主。露甲乙爲官煞。支中有申酉字。或辰巳字。此爲所合所制也。）

日時俱逢二德。百事無凶。更值財官。定主豪富。

官星在生旺之方。逢則何須發見。

七官八官。月建官而爲富。

官星如遇比劫。雖官無貴。

最貴者官星爲命。

遇真官者祿位非常。

有秀而無官者。但施巧於技藝。

官鬼皆全。遐齡不遂。

官煞重見。混雜冲刃。歲運又見必死。

體盛氣盈。縱橫恣肆。樸野無文。心地茅塞。貴用官也。財衰身強。比劫叢集。貴用官也。印綬根輕。形神蕭索。貴用官也。七煞猖獗。陽刃相害。貴用官也。偏泄太過。（食神）中虧內竭。貴用官也。

官得祿而子貴。

財絕官囚。妻遲子晚。

正官兼財。非劫不顯。

財與官要旺。殺與傷宜靜。

印旺官輕。坐堂招夫。

官輕入墓。只好作偏官。

官弱又值傷。一子終難到老。

官入庫而子散。

五宮見貴。滿眼兒孫。

正官弱。傷官旺。孫承後裔。

一官顯露。子論荆西五馬。

正官逢正財。舉步上金階。

正官入幕鄉。破剋退田莊。

官印逢梟。曾參篤實。

財官俱旺。子路剛方。

一官騎馬。乃聰明巧智之人。

正官旺而相生。傷官駕殺必聰明。

祿位遇絕。作事七顛八倒。

第二節 偏官格

偏官格命式

官 丙子 食

財 甲午 殺  
印

辛亥 傷財

比 辛卯 才

有制爲偏官。無制爲七殺。身殺兩強。無制過不及之弊。方爲上格。

七殺秉偏剛之氣。恃勢凌人。非若正官有法律父師之義。

七殺乃以力服人。氣性不平。操行不正。易爲傾邪小人所誘引。

七殺喜交際。惟其交泛濫。專以利用他人爲目的。

七殺善權術。

七殺主思想奇異。蟲率冒險。不似正官之細心穩健。

七殺聰明見機。果決敢爲。非如正官之柔弱。動拘禮節。

七殺喜酒色。帶咸池更甚。

制殺太過。致使殺忿不顧身。成困獸之鬪。多生災難。

殺强身弱。不量力度德。免強加以制服。撩動虎怒。爲禍尤烈。

七殺喜亂人秩序。侵佔人之好處。

六庚人逢殺乘虎。主被人強使力役。

造化有殺。如無制服。被人搬弄。自身無主。歲運逢殺。多主出行遷移。棄舊更新。

身旺殺淺。作事粗心。自視多能。招人嫉害。且作事懈怠。不知警惕。

殺重身柔者。每爲人親近。

身殺並重者。幹練有爲。性情好勝。睚眦必爭。

制殺不勝者。易忿。但不久卽懶散。有始無終。

殺帶貴盛之氣相尋。主有貴人提拔。異路成名。帶凶惡之氣來侵。主災害破損。性情凶



惡。

殺乃尅身之物。爲主動者。故殺之吉凶。則身之吉凶。

感應殺之福氣者。多在他人節制之下受福。如歲運傷殺主退福。勿謂凡殺皆可制也。官殺混雜。狐疑反覆。成敗相尋。甚者鶻突愚濁。身強者狡猾少信。播弄是非。同類相軋。官殺混雜。主子女雖多。必有夭殤者。

婦人官殺混雜。淫妬再醮。

用殺而混官。作事多掣肘。居官者不得同僚之緣。

用官而混殺。凡事不能一致。蜃樓海市。可望而不可卽。在官者雖持權得位。難登極峰。殺星在命。多主好動。若溷官反主不動。

身殺俱旺者。性情慷慨。身衰者多受親朋之累。

官主教導。殺主欺侮。

官主仁義。殺主權術。

官主良友。殺主淫朋。

殺印相生。不獨爲福。且有幹才。善言語。

有殺無印。或印綬遭傷。主碌碌少所表見。

殺旺印微。主沉默而多計慮。

印旺殺微。主膚成而少思慮。

殺印兼全之人。無論遭際如何艱難。必有貴人扶助。而衣食亦主不虧。

偏財偏印七殺。并名爲三奇。遇食神一品之尊。

殺印格兼刃。遇財比。名爲軍符。兵權萬里。

殺印格見官。宜去武而就文。或於軍中掌文事。

殺格兼財者。不惟財不可得。而且碌碌終身。

殺格兼財者。財帛之中暗寓小人。每有娶妻之後。家庭蕭索者。

殺格兼財。見敗財者吉。作事宜利用機會。不可躊躇。亦不可賡續行之。

殺格兼財。宜合同營謀。忌獨創獨行。

財殺兼比肩。一生有共利害之朋友。凡事宜磊落光明。不可懷挾私意。

財殺并見而用印者。一生貴人不得力。雖有好意。亦不過口惠。且有悍婦不安於室。喜比劫歲運爲福。

財殺兼格。最畏羊刃。陰命人財殺兼者。忌傷官。

殺格兼比者。每逢困難。必有人扶助。但性情因循。依賴心重。常因此失敗。仕人值此。秉權不專。商人值此。合夥經營。士人值此。見異思遷。

殺比兩見。有殺若無。歲運再見。一殺。湊成二殺二比。必招凶咎。

殺兼比者。主凶禍干連他人。且作事不機密。又主遇事摸稜。無甚斷制。

殺逢比肩者。狐假虎威。遇事推諉。

身旺殺淺。最忌比肩。因其不能救偏扶正。反足以助身之狂妄也。

殺格兼刃。如虎生翼。凡貪財壞印之格。遇此主武貴超羣。位高望重。正財格有此。主血

光之災。孤苦伶仃。

七殺羊刃。爲奪權之凶星。歲運值七殺羊刃。多主變更之事。如一局凶神。爲七殺羊刃。轉動於吉曜上。亦主改新有吉。

比肩能共患難。羊刃不能共患難。其性陰險。笑裏藏刀。殺刃格用以護印。則功名蓋代。用以殺身。則窮凶兩逼。七殺逢食神者。志氣高大。能獨立任事。人亦敬而憚之。

殺旺食弱之格。雖志氣高大。却主遇事費力。

食旺殺弱之格。心性放縱。遇事不甚留意。作爲流於偏僻。忌惡太過。反招仇怨。食殺均停者。主有厚福。

傷官雖是不馴之神。惟見殺却能以正氣制服之。使殺不敢猖獗。故傷食制殺。較之食神尤佳。

以上錄自命學發微

古經云。煞喜身旺。喜印、喜合、喜食神。逢煞看印。以食爲引。

忌身弱。忌財星。忌正官。忌刑冲。入墓。會局。傷殘。有制爲偏官。無制爲七殺。

見印則相得益彰。逢刃斯威權顯赫。

身弱殺強。要印化。身強殺弱。喜財資扶。

七殺重逢。再遇刑、害、亡、劫、魁、罡。相冲。禍在眉睫。

制殺太過。李廣不侯。

元有制伏。煞出爲福。元無制伏。煞出爲禍。

有制合格。心多性急。陰險懷毒。人情罔恤。

煞旺遇煞。面目癩瘡。侏儒跛贅。駢指瘤傷。奸貪猛暴。僭爲倡狂。恃強犯法。事多不祥。

純殺有制。定居一品之尊。略見正官。官殺混雜。反賤。偏官若持劍鋒。海外咸服。

處臺諫之位。偏官得地。

以殺化權。寒門貴客。

有殺無印。欠文彩。有印無殺。欠威風。殺印兼全。文武俱備。殺神遇干。食支合。得子褒封。

殺最忌冲。傷刃喜逢。

天元坐殺。喜印化解。運無官殺。身旺之方可發名利。

時上偏官。干透爲福。年月重見。辛苦勞碌。

時上偏官。不怕冲。爲人性重。剛直不馴。

時逢七殺。本無兒。有制晚子英奇。

年上七殺。不宜制伏。喜刃合爲吉。

年干七殺。身出卑微。化合有情。寒門貴子。

歲傷日干。制合難寬。殺旺身旺。無破彈冠。

棄命從殺。最忌生扶。身旺敵殺。一命嗚呼。

從殺格。要分陰陽干。陰干多貴。陽干純殺不利。金火水土四陽皆從。死木受斧。反觸利。

鋒。

時殺歸庫。要刑冲。要制伏。身旺名冠當時。

露殺藏官。只論殺。露官藏殺。只論官。

官殺混雜。取財印化解。身旺專祿。會局英俊。

支辰會殺。印透爲強。不宜再見財傷印。

身旺自專。七殺當權。必當驟發。見刃福全。

官殺去留。干透者易去。支藏者難去。

陽食可以去。殺留官。陽傷去官。不能留殺。須逢刃合。殺始可留。

陰食去殺。不能留官。陰傷去官。又能留殺。

明殺合去。和氣春風。暗殺合來。刑傷害己。

閒神合官。不貴。閒神合殺。忘賤。日干支與官殺合。合官則貴。合殺則賤。

第三節 正印格



正印格命式

乙亥

戊子

甲寅

甲子

正印得祿。喜運遇官星。七殺生扶身弱。印多爲吉。財多破印爲禍。

印爲文書。爲屋宇。衣服。器具。爲祖蔭。爲職權。爲尊長。爲母。爲聰明才智。爲法律。爲官印。

一曰正印。二曰魁星。三曰孤極星。

六陽逢傷官。用正印護官則可。用偏印護官不可。以偏印護官。如與罪人扶同作弊。必以贓私獲愆也。

六陰逢傷官。偏正印皆可用。惟不能見正財。見正財。因貪壞事。

印綬逢食傷。無殺主富。

印綬者以生相傳。如親屬血統。

印綬之喜忌。則所生之喜忌。

正印爲官家之科條。偏印爲民衆之私約。

官生偏印者。利於私人之事。得貴人相扶。

殺生正印者。利於公事。多主紳耆之榮。

護官正印。爲正綬格之上乘。五行無破。極貴之格。

泄氣太甚。取印綬扶助。有官星者。祖上刑克。主其人明敏有爲。正道而行。精細不苟。富

貴長遠。坎軻甚少。忌見羊刃。有羊刃則官刃爭鬪。反主游疑。忌偏印。有偏印則官逢傷。

是非爭端不免。正印主柔弱。七殺主剛。殺印相生者。剛柔相濟。言行純正。胸中藏機。忌

食神。得子後有孝服。不然則內傷病。且主子孫不旺。

偏官正印。多主異路之榮。及好巧技。凡事逢凶化吉。

印兼食主富。比刃相會。文學超羣。清貴之榮。無比刃。有自利之象。帶七殺爲人謹慎忍

耐。

印食格不宜見財。見財主劫耗不聚。

正財化印。偏財克印。化有裨益。而克則無情。食神乃發榮之神。見正印則言語吞吐。含蓄不宣。

六陰日。食印作合。變爲他象。當隨所變而推之。印綬兼傷官。歲運逢官。必然升擢。忌柱中見正財。必招人民控告。食傷兼見者。印綬之權又高一級。歲運值之。如無財比作擾。主超遷。此格忌比刃泄印之氣。主同類小人。盜弄其權。以致壞事。其應在正財歲運及月建。

凡傷官性傲。不遵禮法。惟見正印之傷官。不以傲論。主作事有權。不刑妻子。

印綬兼比。平常之命。主同人幫助。尤喜偏財。有正財主妻妾不良。

印綬兼比。有官無財。官可守印。不但無礙。且利於名。

印刃格以刃護印。權星有威。孰敢犯之。運逢財星。官可上級。如柱中乏財。運亦無財。則

羊刃不惟無用。且有盜權之虞。此等格。財官不可并見。若有財官。則官去制刃。財便乘機壞印。主因名受累。因財受逼。

印刃格見七殺。刃殺作合。印能化殺爲生。此守身之印。不同守官之印。正印兼偏財。不忌。

印旺見財星。主名望高崇。歲運逢官或刃。皆吉。身克財。而財克印。有循環報復之象。故財多每招禍。

印綬喜食神。天月德。七殺。

印主智慧慈詳。語言遲訥。貌豐厚。能飲食。少病。不逢凶橫。但吝財。

印格多爲正官受宣勅。

印綬生月歲時。忌見財星。運入財鄉。退身避位。

印綬以月上最要。日時次之。年干雖重。須歸祿月日時方可取用。年露印而月日時無。亦不濟事。

印格遇拱祿、專祿、歸祿、鼠貴、夾貴、時貴、等格。尤爲奇特。但少子。或無子。印多主清孤。

命原有印。行七殺運發福。

命有七殺。行財運。或印死絕運。墓運。皆凶。

印墓。則天壽難逃。

印綬喜身弱。局中帶財傷印者。行比劫身旺發福。無則不宜。

印綬格。最怕行運變爲傷局。財局。或殺局。均不吉。

金木二印多者。俱作吉論。

印綬有官喜見財。則印綬有根。逢財必發。官星乃印綬之根也。

印綬無根。遇生發福。若見多根。福亦不足。

身坐休囚。不扶不濟。天元無氣。却宜中下興隆。

財輕印重。捨財取印。其貴可知。

印輕財重。捨印助財。雖有背祿。支干重旺。反作資財。

印旺官生。聲名特達。

印綬重逢。壽比老彭。

印綬沖而財星重。身有車塵之苦。

印綬逢財。身比劫。縱有財多福不全。

藏印露財。身自旺。功名榮顯福須完。

印綬被傷。失宗業。棄故里。

印臨子位。受子之榮。

財印混雜。終爲守困。

貴人佩印。定須文武兼資。

有印無官。享見成清高之福。

知武能文。天德貴人印綬。

日主德貴兼全。佩月支印綬爲妙。

印綬逢華。尊居翰苑。

印綬太多。身更旺。爲人刑尅主孤貧。

印綬生居被殺同。殺同心膽反粗雄。運亨便有軍中職。只恐將來不善終。

印綬格支帶咸池。干帶合風流破家。

印綬重重。畏食神暗相刑。若不早亡。必孤苦離鄉。宿疾纏身。

印綬多根不畏財。喜逢比劫。印星破敗。得官來救。平生福壽。

丙丁卯月多官殺。四柱無根怕水鄉。溼木不生無焰火。身榮除是到南方。

#### 第四節 偏印格

#### 偏印格命式

印 乙亥  
官 印

食 己卯 偏印



丁酉才

官壬寅印傷

一名吞啖殺。一名退神。無食則曰偏印。有食則爲梟神。偏印屬陽主剛。屬陰主柔。性情不同。行爲有別。印綬主行爲。偏印主創造。凡事粗具規模。必見正印。始告竣功。偏印之人。多喜創造。柱無正印。有始無終。

陽偏印與傷官小人作合。不能守官。反能壞官。柱中有此。主功名早。反不美。偏印主同僚不合。小人壞事。

偏印護殺。主受人欺壓。無法解脫。子嗣雖有。不能得力。此等格多無後。惟螟蛉子庶幾。凡偏印護殺者。受梟神所迫。忿懣異常。有時氣急。卽暴怒如雷。不擇人而噬。

梟神不可概視爲惡神。微見食神發泄。而點點滴滴不能暢流。最忌梟神復行阻截。以致壅滯。若身命發泄太過。氣虧精耗。却大宜滋養。如大渴之候。忽得瓊漿玉液。又何暇問印之正偏。

日坐梟神。干透食神者。主好爲饕餮之徒。

時坐梟食者。主子貪懶好食。

如坐食透梟神者。亦主貪饞。心靈口鈍。外貌樸拙。

偏印格見官。主有官非口舌。性情惡劣。好爲非法。乃市井小人之命。宜見偏財制其狂妄之性。方可轉禍爲福。無財求名最難。縱獲一職。終以貪招禍。

偏印所以惡毒者。爲其害官親殺。甘居下流。七殺得偏印。如虎生翼。不見食神。尙可作殺印相生。此等格。主異路成名。離家求利。不可見食神。有食亦不能用。比救之。（偏印兼殺格）

偏印不逢食神。以啟其貪心。七殺以壯其聲勢。則一馴善之神耳。如此而見偏財。卽有貪財壞印之愆。見正財不忌。以正財能合偏印也。但六陽之傷官合偏印。六陰之正財合偏印。

食神畏偏印。傷官不畏偏印。

偏印格。兼比肩劫財者。如遇偏印被傷。用比肩劫財救護。可得朋友之力。以成功名。如偏印無傷。則比劫分奪。爭端起矣。

偏印兼正印者。用權不專。主意不定。

食神遇梟者。進退悔懶。有始無終。財源屢成屢敗。容貌欹斜。身品瑣小。膽怯心虛。凡事無成。尅母傷妻。

偏印值身旺。而財豐福厚。遇刑殺則壽夭身貧。

身弱重逢偏印。須愁顏子之傷。死食若遇梟神。未免韓信之禍。

財星若見。披星帶月。不停留。殺星若生。馳擔息肩。無定日。

梟神見官殺。多成多敗。偏印遇財曜。反辱爲榮。

有傷官而平生豐潤。值食神則處世伶仃。

年時月令有偏印。吉凶未明。大歲運君逢壽星。災殃立至。

梟居祖位。破祖之基。

印星偏者是梟神。柱內最喜見財星。身旺遇此方爲福。身衰梟旺更無情。

第五節 偏正財格

正財格命式

劫壬申 劫印官

食乙巳 財印官

癸巳 財印官

印辛酉 印

偏財格命式

食壬寅 才印殺

食壬寅 才印殺

庚辰 印財傷

劫辛巳 殺比印

凡財一位。務要得時。富貴成家。爲人性燥緊急。二位性氣減半。三位、四位、耗氣身衰。若身旺甚。則可成立。弱則勞苦生受。

以當生財星爲馬元。最怕劫奪。如庚日生人。以木爲財。而生寅卯月。寅中甲木偏財。卯中乙木正財。若年時有辛字。却有爭奪之患。歲運同論。

凡財論原有原無。地支有財。天干不露者不問。若地支無財。只是天干透出。雖行好運。亦不濟事。

財逢劫盡死。重財破印凶。

正財月令。勤儉慳吝。柱有劫比肩多者。刑父母。傷妻妾。不聚財。

商賈須觀落地之財。

財少傷劫。名利雙全。

財藏官庫。蓄希異之寶。

有財而不得享。柱中正財分奪。

男逢兩位之財。必須置妾。若遇合處逢祿。定挾妻榮。  
財鄉見合。立身倚妻。

陽干上下逢合。妻多易得。合中更遇生氣。妻妾賢良。

財失地而歧路經商。

財下見財。富而慳吝。

二財會於壬辰。石季倫恣情金玉。

財盛刑傷父母。

時上偏財。運至兄弟之位。主妻災。

時上羊刃。歲遇偏正之財。生凶禍。

財歸旺地無破。家道興隆。

妻宮羸弱。犯劫財。必損其妻。

財旺身強。資財疊積。

二壬見丁兮。家道興隆。

見財而無托者。惟遂志於經商。

金到火鄉。財多聚散。旺木入南。家道盈昌。

財元喜傷官爲奇。

用財若遇劫奪。一生貧窘。

絕不能取生下之財。

大富命（一）不在財神之輕重。大概亦有貴氣俱全。不過看氣厚氣壯。但中間欠清純之象。（二）精神有助。閑神頗多。日主有倚。印食財神三者至切。（三）祿馬扶身。日主受氣絕胎絕處。財官有用。或遇生氣。但流遠聚象之氣不廣。（四）庫財有拱。或露則要氣厚得冲得刑。財印食神三位。一位有用。日辰但拘切自專。貴氣散漫。詳之各有高下明矣。（五）帶刑尅。或尅我之物。係財星生旺之氣。或財神祿馬貴人之氣。財居庫地。身入衰鄉。性能鄙吝。氣亦猥慵。

財源拘局。街頭鋪店經營。

五行敗處爲沐浴。又名桃花咸池煞。其神若來乘勢爭財。或立財上。被他神所竊戰者。我身兼與用神之氣不聚不斂。精神散漫。妻與外人私通。自身亦難免淫濁。

八字中有財不旺。雖見無情。行運雖至生旺之處。仍未奮發。蓋氣或死絕。或滯塞。流年或領財元。或生扶財象。或激開財庫。或遙合飛冲生旺之所。或拱夾暗包財神祿馬貴人之宮。其財之旺由此。

七殺用財。豈宜得祿。

印逢財而罷職。財逢印以遷官。

貪財壞印擢高科。印分輕重。

遇比用財纏萬貫。比得資扶。

財逢劫處禍猶輕。

財不可有傷。還忌陰謀之賊。



財勾六之爭。

兄弟破財財得用。

一馬在廢。人不敢逐。一馬在野。人共逐之。

財臨生庫破生宮。兼奉兩家宗嗣。凡命以印爲母。以財爲父。財固以印爲家。印必以財爲主。然財貴而印自榮。夫敗斯妻無倚。所以論人根基父母。必以看財爲先。若財有長生之宮。又見墓庫局。却有神破所生之宮。無犯於墓庫者。則爲螟蛉過繼之兒。棄父隨母之子也。蓋生乃發蒙之初。庫在收斂之際。棄始由終。故如此也。

刃強財薄。見殺生官。

慣取市廛之利。必因旺處逢財。

馬劣財微。男逃女走。

絕處逢財。妻子應難偕老。

欲知運內吉凶。先看根元勝負。根元有財。運臨財則發財。

財命有氣。逢背祿而不貧。財絕命衰。縱建祿而不富。  
馬逢財而獲福。

從魁抵蒼龍之宿。財自天來。

北人運在南方。貿易獲其厚利。

日干愛取月支財。金玉家藏看積堆。更看天干財爲貴。紛紛金帛自天來。  
時上偏財。而財命并旺。須出白屋公卿。

運元生發三財。命強豹變。

身弱有財。重逢正印亦凶。

月下劫財主無財。喜殺無印而有獲。

時上偏財。別宮忌見。

財多身弱。正爲富屋貧人。

納粟奏名。財庫居生旺之地。

一世安然。財命有氣。

日主無依。却喜運行財地。

大貴者用財而不用官。

棄印就財明偏正。（正財不喜見印。偏財不忌見印。）

孤寡者只爲財神被劫。

財臨旺地人多福。

陰尅陰。陽尅陽。財神有用。

歸祿得財而獲福。無財歸祿必須貧。

財臨殺位。父死不歸家。（人命以財爲父。財殺同宮。則難爲父。如庚辛用甲爲父。年月

時見甲申坐殺宮。歲運殺旺。主父死他鄉。或云。殺卽劫殺。財坐劫殺。更父位。准上文。）

胎生元命無財星。爲赤子承恩之寵。

建祿遇財則富。

十干背祿。喜見財豐。

財印雙傷。斷其必無上下。

逐馬逢馬。勞苦千般。（逐馬逢馬。惟有官殺可以制刃之劫。雖勞亦得其財。若比肩多。他強我弱。雖減耗亦得其財。不得均平。止三四分之一矣。）

財逢羊刃。以多傷。

食神遇梟。無財則夭。身弱有財。重逢正印亦凶。

劫財羊刃。切忌時逢。歲運併臨。災殃立至。

地支財伏。暗生者奇。

財者衆所爭。有羊刃劫。則因財致禍。

歸祿得財而獲福。無財歸祿必須貧。

財宿疊逢得印生。少年受福。（先財後印。反成其福。）

財星德秀。謝安爲晉代之公。

財官雙美。透印財而居臺省之尊。

財星變德而坐殺。李靖兼文武全材。

尅我者曾如我尅之爲顯。

梟食雖貧夭。得財忽變亨通。

偏財見官兼食神。榮華有準。

偏才遇比而身旺。甘爲富室幹僕。

干頭財露。支內不藏。傷劫實地。祿馬虛浮。身旺印助。一生破敗不聚財。身弱財多。外似有餘內不足。或四柱原無財官。遇歲運忽然發跡。似此之命。有名無實。

木臨四季。向祿自然充裕。水到午上。財旺必定豐隆。土逢潤下。金遇曲直。火遭金局。三合逢祿庫食神。五行值天廚財氣。四柱無傷。日時得地。身旺有氣。逢財化作官星。身衰失時。財多翻爲貧漢。若居殺地。多是凶徒。

日是生旺聚福兮。晚景榮華。月令有氣儲財兮。早年富貴。若月吉而引用多輕。先富後

貧。日強而本根不利。先貧後富。生來受蔭。年月在財官之鄉。末主孤寒。日時犯空破之地。

身旺印多。喜行財地。財多身弱。畏入財鄉。

幼失雙親。財星太重。

印多者行財而發。財旺者遇比無妨。

財旺梟衰。因財喪命。

財生官者。用賄求官。財壞印者。貪財卸職。財旺生官。白身榮顯。財生殺黨。夭折童年。

財星有破。棄祖風別立他鄉。

男兒早娶。運合財鄉。

傷妻疊疊。財輕身旺弟兄多。

暗合財星妻妾衆。虛朝財位主妻多。

財星入墓。必定刑妻。支下伏財。偏房寵妾。

妻星明朗。喬木相求。大運流年三合財鄉。必主紅鸞吉兆。或臨財敗之宮。家資凌替。傷妻損妾。婚配難成。

財祿淺薄。或逢歲運旺相。亦當驟發。

梟印重生。祖財漂蕩。

咸池財露。主淫奢。

財生官。官生印。印生身。富貴雙全。

財祿生馬。爲經商之客。

日求升合。食神旺處。劫財多。生來貧夭。財食得地。梟印重。

日衰財重。黨殺則窮。

財入財窠。不貴卽當大富。

財氣逢長生。肥田萬頃。

財旺生官者。乃貴少而富多。

身旺偏財可取。必得橫行。

主健正財被劫。頻見妻災。

財旺稼穡。給餉之官。

命重財。運逢煞。吉而堪言。命重煞。運逢財。凶而可決。

壬癸路經南地。主健財祿堪圖。

財多露顯。有敗有成。財少暗藏。爛錢朽貫。

財旺身強。良顯忠正之士。

偏財身旺。趨求商賈之人。

六合會財。興販經營之輩。

拱祿拱財。桑田萬頃。

慷慨者偏財劫刃。

財多身弱。行財運。此處方知入泉台。



若是財星坐驛馬。妻賢無處不悠悠。

財星入庫主聚財。謹守資財不做人。妻兒慳吝善持助。只怕暗藏羊刃嗔。

用物爲財。表實爲正。

財庫臨三合之地。石崇作萬金之主。

庫頭財者。乃甲乙人己未。丙丁人庚戌。戊己人壬辰。庚辛人乙丑。壬癸人丙辰。君子多主錢穀之任。常人家業從容。卽透出財官論也。但金見己丑火。木見乙未金。水見丙辰土。土見戊辰木。火見壬戌水之格。卽墓中逢鬼。危疑者甚。

雜氣財官用月宮。天干透露始爲豐。財多官旺宜冲破。切忌干支壓伏重。用財不宜明露。柱見比劫則宜透出。使人共見不能奪。

財宜藏。藏則豐厚。露則浮蕩是也。

月令得財局。身衰逢印資助。當作富論。

凡財格當官星顯露。別無傷損。或更食生印助。日主健旺。富貴雙全。如干支見殺。亦能

享用。卽逢財看殺之義。大怕梟奪。則不能生。刃劫則不能享。庫逢空。則不能聚。原有財星。宜行官運。原有官星。宜行財運。柱中無官。只取有財爲福。

月支坐財官爲得時。日支坐財官爲得位。時支坐財官爲有成。得時爲上。得位次之。有成又次之。兼得一二尤妙。年主祖父富貴。中年後無用。庚辛日生於正月。別位有火爲殺。以尅庚辛。雖月見寅卯。亦無祖財。一生熬煎。遇發財處必成災禍。以木旺生火。害日干之金。天元羸弱。財黨殺生不能爲福。

正財主人誠實。儉約聰明。慳吝。

財旺身衰。主妻秉男權。持家幹蠱。又主有好子替力。反得優游之樂。運行比劫。妻妾多危。

財旺生官。富而且貴。露官藏財。無不高位。

冲者宜透。實則滋利。

逢財忌殺而有殺。十有九貧。

正財逢生旺。而優游享福。遇劫財則晦滯呻吟。官星若見。平生惹是招非。七殺若逢。處事少成多敗。

財食入庫者福厚。倒食求財者貧夭。

財神得位正當權。日主高強名利全。印綬若逢相濟助。金珠滿櫃福綿綿。  
身旺無官只取財。財神冲破却爲災。

財多身弱刃剛強。身旺之鄉大不祥。鳳寡鸞孤寒夜怨。房中妻哭兩三場。

歲帶正馬。如甲日午年。己乙日己年。戊日子年。當忌與月干正財同。若歲帶正馬。生辰戌丑未月。或夏令己土旺相。不犯刑冲分奪。日干旺。主受祖業豐厚。若生寅卯月。令柱中更帶比劫。或運行傷劫之地。必主貧困。

時帶正馬。如甲日見巳午時之例。無冲刑破劫。主招美妻。得外來財物。生子榮貴。財產豐厚。非父母之財。乃身外之財。招外來產業。宜儉不宜奢。富而且貴。定因財旺生官。蓋

財有生官之理。既取財爲用。不要見官。若見官則爲財官格。

柱有傷食。雖財厚。亦不能生官。不作財旺生官格。又云。辛見甲爲正財。四柱干支木旺。似爲有火。如見壬寅。別位帶子辰亥。卽溼木不能生丙火。則辛無官矣。又如庚合乙木爲財生。丁火爲官。柱見癸卯。或年月日時上有水。亦是溼木。有財無官。又云。庚尅乙。辛尅甲而遭刑尅。爲壬癸水傷官故也。十干例推。

納粟奏名。財庫居生旺之地。如辰爲土財庫。生於秋。旺於冬。丑爲火財庫。生於夏。旺於秋。未爲金財庫。生於冬。旺於春。戌爲水財庫。生於春。旺於夏。假令金以木爲財。庫於未。辛未日生。是臨財庫。庚日生未時。亦是身臨財庫。生冬月。謂之財庫居生地。生春月。謂之財庫居旺地。主一生財帛豐厚。因財致官。六辛坐未。透土不弱。財庫旺。吾身能任。則爲福。若提綱是卯。行酉冲。方損壽元。辛坐未。天干無土。以身弱論。是財庫居生旺。亦要身自旺也。

天元坐財。生值財旺月令。喜印生身。喜食生財。忌比劫爭奪。不可歲逢官殺。卽身弱不

能任財。

偏財乃衆人之財。恐被爭奪。柱無官星。禍患百出。落空亡。則名利皆虛。

偏財主人慷慨不吝財。與人有情而多詐。若得地不徒富而且貴。行旺相運。福祿俱臻。遇官鄉便發福。原帶官星者。作好命看。若兄弟輩出。雖入官鄉。發福不大。

偏財以月令所帶最重。不宜柱中多逢。年上偏財。生旺月令。柱中通氣。主受伯叔祖考產蔭豐隆。或外祖產業恩養。大要日主興隆。財星生旺。運向財旺之鄉。發福。若見刑沖。破害。比劫分奪。或財星太衰。日主太弱。或財多生殺。皆破祖勞碌之命。月令有財。而生時不得地。或有劫敗。更運臨凶地。先富後貧。年月本無。日時帶財無破敗。白手成家中晚大發。

財多身弱。少年又經休敗之地。百不如意。中未年後行印運。三合助我。勃然而興。若少年乘旺。老來脫局。不惟守窮途而悽惶。却且是非蜂起。以財能利己。亦能招謗故也。若四柱相生。別帶貴格。不值空亡。又行旺運。三合財星。皆是貴命。

凡人命有兩位財。身弱不妨。元用正財。身旺發財。元用偏財。身旺脫財。

偏正二財。喜忌大同。惟有喜官星不喜官星小異。

正財不若偏財。偏財重實。其福則厚。最怕劫敗比肩。在年最重。在月稍次。一名孤辰。一名逐馬。主尅妻害子。破財貧薄。又防陰賊小人。同類相傷。柱中元犯此忌。運行財旺之地。亦可發福。再行比劫退敗。而身死者有之。遭官敗破者有之。

月上偏財。無劫無敗。富甲人間。

偏財透露。輕財好義。愛人趨承。好說是非。嗜酒貪花。亦係如此。

出現偏財。少愛正妻。多愛妾。

偏財格遇最難明。日旺却從高路行。一世因財人謗訕。財多身弱惹災生。偏財非是自己財。最怕比肩同位來。劫敗不逢日主健。家資當發孟嘗財。偏財原是衆人財。最忌干支兄弟來。身強財旺皆爲福。若帶官星更妙哉。若是偏財帶正官。劫星若露福難干。不宜劫運重來併。此處方知禍百端。

偏財身旺要官星。運入官鄉發利名。姊妹弟兄分奪去。功名不遂禍隨生。  
偏財財位發他鄉。慷慨風流性要强。別立家園三兩處。因名因利自家忙。  
偏財別立在他鄉。寵妾嫌妻更尅傷。多慾有情妻妾衆。更宜村酒野花香。  
時上偏財喜官印。生助忌七殺劫財。不宜多見。只要一位。天元透出爲妙。支內所藏次  
之。柱有官印相助。日主健旺。便作好命看。大怕年月冲破。兄弟輩出。福氣不全。  
偏財時上。慷慨輕浮。最宜身強財旺。切忌比類相逢。主旺兮崢嶸仕路。日柔兮縱富決  
貧。

時上偏財身主旺。白屋公卿。

偏財時上喜干強。運入財鄉發祿難。兄弟更來相劫奪。縱然富貴也多慳。  
時上偏財冲最忌。兄弟之輩皆爲畏。喜行身旺官祿鄉。別無透出方爲貴。  
時上偏財不用多。支干須要用搜羅。喜逢財旺兼身旺。冲破傷官受折磨。  
時上偏財一位逢。不遭冲破享榮豐。比肩劫財還無遇。富貴雙全比石崇。



時上偏財遇劫辰。田園破盡苦還貧。傷妻損妾多遭辱。食不相資困在陳。

丙日見丙申時。甲日見己巳時。爲專財格。運行官旺。財神不背。大發財官。忌行傷官劫財冲刑破祿之運。要身財俱旺方發。

棄命從財。須要會財。若逢根氣。命損無猜。

日坐天財。是生日坐年干所尅之財。古歌云。年干尅下是天財。尅墓之鄉正庫開。財入庫時多穀帛。家豪金物積成堆。如畢狀元命。己巳癸酉庚辰甲申己土。尅水爲財。水墓辰是也。

有生成財。如甲乙見戊己土爲財。申子辰坐生旺庫。戊申戊辰戊子支干成合是也。凡命入貴格。除貴外須主大富。仍多歷錢穀之任。若不入貴格。又無福神助。是富豪百姓。若自生自旺。甲人見戊午己亥。例主富餘。倣此。

有生合財。如甲人見戊癸。己人見癸戊。庚人見甲巳等類。主成立富貴。有子母財。如木命人見火月土日時之類。主平生多見喜事。



有類財殺。寅午戌人見乙庚。巳酉丑人見丁丑。申子辰人見戊癸。亥卯未人見甲巳。一名幽微殺。主名利並行。

有財會殺。寅午戌人見辛丑。巳酉丑人見乙未。申子辰人見丙戌。亥卯未人見戊辰。此妻財聚會之神。遇者主富足。及有美妻橫財。却防妻被人毒藥害命。

有名位財。乃食神坐庫。如戊子火人見庚戌。戊食庚。火庫在戌。尅金爲財。逢此者一生受祿。

有長生財。如甲用戊巳爲財。見戊申。癸用丙丁爲財。見丙寅之例。此類多得外財。

又甲己見丙辛。丙辛見戊癸等爲真財。生居有氣旺相之位。主富盛。

又納音本干自見真五行。如乙亥人月日時中見庚。乙亥納音火。乙庚真金。干頭自是財也。此名天財。主富足優逸。若納音反制尅干頭。如丁卯火。却能制乙庚金。此名鬼財。主一生得世財。或爲豪猾胥吏起家。戊寅戊申得丙辛。乙酉乙卯得戊癸。准此。更帶辰戌丑未。主爲藝術。大獲世財。

祿命身三等財庫。如甲子金。甲爲祿屬木。木尅土。故土爲祿財。土墓在辰。是爲祿財庫也。子爲命屬水。水尅火。故火爲命財。火墓在戌。是爲命財庫也。金爲身。金尅木。故木爲身財。木墓在未。是爲身財庫也。主財產豐盈。少年辛苦。漸老方遂。

有歲制月建。如甲乙人在辰戌丑未。丙丁人在申酉等類。若人遇之。主職位崇高。印綬顯赫。若身衰不能尅財。如壬寅金見戊辰木。丁卯火。癸酉金之類。不能尅制。翻成損氣。庫頭財。乃甲乙人巳未。丙丁人庚戌。戊己人壬辰。庚辛人乙丑。壬癸人丙辰。君子多主錢穀之任。常人家業從容。卽透出財官論也。

飛財格。日干同月干。日支同時支。衝出對宮之財是也。得此格當發財祿。忌泄氣凶。如壬申日生時支亦申。二申沖出寅中甲丙爲財爲用。歲運遇子。則化成水局。如日干是庚。則被變局而爲泄氣。傷官不能生財。歲君柱內再逢七殺尅身必死。蓋飛財格。支辰不可變化化局故也。如戊寅己未戊寅甲寅。三寅一甲七殺。六月全無財氣。比肩甚旺。却得三寅沖出申中長生之水爲財。運行西北。資財巨萬。

破財格。此格如乙卯日生。八字不見財官。用卯字破出午未中己土爲財用。要寅戌一字暗合財氣爲妙。忌劫財填實。但有財位及填實沖位。便破不行矣。如庚申辛酉日破寅卯辰之木爲財。丙午丁未日破酉戌之金爲財。壬子癸丑日破己午中之火爲財。此數日本日刃日祿。本體自強。故可沖破取財爲用。其餘日主柔弱。豈能破奪橫來財乎。合此格者。多能橫發。取不意之財。運行喜官印。怕刑沖填實。

身弱者。見梟奪則難得財。見刃劫則難享財。見偏官則難任財。見庫空則難聚財。各因其命而定之。

財旺身衰。主妻乘夫權。子替父力。反得清閒。但運行比劫。妻妾多危。

刑妻多是財入墓。支下伏財娶偏房。財破離祖利他鄉。大運流年合財位。必見紅鸞作新郎。

身旺無官只取財。財神沖破却爲災。

財多身弱刃偏強。身旺之鄉反不祥。鳳寡鸞孤寒夜怨。親友交財亦受殃。戶大家虛暗

受貧。百端費力總空忙。逢生乃見興隆事。破印生災夢一場。

偏財透露人多情。輕財仗義大商人。多謀多詐貪花酒。愛說是非愛逢迎。  
偏財若還帶正官。劫星露出禍百端。身旺見官轉發福。有官制劫少糾纏。

月令財官不可冲。十冲九命皆爲凶。

壬癸生寅卯月。戊己失時又被傷。盡正二月木旺大相。暗中有財。運至財鄉必發。若見  
甲乙寅卯在壬癸亥子上。溼木不能生燄。非特財薄。反自招禍。見七殺主災滯。

日干背祿。歲時喜見財星。

背祿逢財若遇時。富豪無相並。

日生正貴。兄弟位列朝班。日下生財  
生官也

偏財若見劫。定損妻和妾。

財盛劫重。奪兄弟之妻爲妾。

正官弱。偏財旺。太公得遇文王。

正財旺。偏財絕。戚氏遭逢呂后。

財輕劫耗。風流浪蕩之人。

印綬若逢財。官非日日來。

正財若逢印。祖業根基盛。

身臨財地。定主銀谷倉廩。

身財俱旺。一生樂守家園。

三元財劫。難以招財。

年月財官逢馬。人稱爲廊廟之才。

何知其人富。財氣通門戶。才旺身旺。官星衛才。忌印而才能壞印。當印而才能生官。傷

官重而才神重。才神重而傷官有限。無才而暗成財局。才露而傷官亦露者。此皆才氣

通門戶。所以富也。夫論才與論妻之法可相通也。然有妻賢而才薄者。亦有才富而妻

傷者。看刑沖會合。但才神清而身旺者妻美。才神濁而身旺者家富。何知其人貧。才神

反不真。才神不真者。不但洩氣被劫也。傷輕才重。才輕官重。傷重印輕。才重劫輕。皆爲才神不真也。若中有一位清氣。則不賤矣。

夫妻姻緣宿世來。喜神有意傍天財。妻與子一也。局中有喜神。一生富貴在於是。妻子在於是。大率依財看妻。如喜神卽是財神。其妻美而且富。貴喜神與財神不相妬忌。亦好。否則尅妻。亦或不美。或欠和。然看才神又有活法。如才神薄。須用助才。才旺身弱。又喜比劫。才神傷印者。要官星。才薄官多者。要傷官。才氣未行。要冲者。冲洩者。洩才氣流通。要合者。合庫者。庫若才神洩氣太重。比劫太露。及身旺無才者。必非夫婦全美也。至於才旺身強。必富貴而多妻妾。用者當審辨其輕重如何。

兄弟誰廢與誰興。提用才神問重輕。敗才比肩羊刃皆兄弟也。要在提綱之神與才神當神較其輕重。才官弱。三者顯其攘奪之迹。兄弟必強。才官旺。三者出而助主之功。兄弟必美。身與才官兩平。三者伏而不凶。兄弟必貴。比肩重而傷官才殺亦旺者。兄弟必富。身旺而三者不顯。有印。兄弟必多。身旺而三者又顯。無官。兄弟必衰。

財能生官。所以爲美。爲財帛。爲妻妾。爲才能。爲驛馬。皆才類也。財喜根深。不宜太露。然一位以清。用格所最喜。不爲之露。卽非月令用神。若寅透乙。卯透甲之類。一位亦不爲過。太多則露矣。然而財旺生官。露亦不忌。蓋露以防劫。生官則劫退。

財旺生官者。身強而不透傷官。不混七殺。貴格也。

有財用食生者。身強而不露官。略帶一位比肩。益覺有情。

有財格佩印者。蓋孤財不貴。佩印幫身。卽以取貴。惟財印相并。卽有好處。小富而已。

有用食而兼用印。食與印兩不相礙。或有暗官而去食護官。皆貴格也。

有財用傷官者。財不甚旺。而比強。略露一位傷官以化之。

財旺無劫。而透傷反爲不利。蓋傷官本非美物。財輕透劫。不得已而用之。旺而露傷。何苦用彼。徒使財遇傷。而死生官之具。安望富貴乎。

財神七殺者。或合殺存財。或制殺生財。皆貴格也。

有財用印殺者。黨殺爲忌。印以化之。格成富局。若冬土逢之。亦貴格。若財用殺印。而財



印並透。非特不貴。亦不富矣。至於壬生午月。癸生巳月。單透財而亦貴。以月暗官也。

第六節 傷官食神格

傷官格命式

甲寅

庚午

丙午

甲午

食神格命式

己未

戊辰

戊辰

庚申



月令傷官。四柱作合結局。皆在傷位。無冲無破。不見一點官星。謂之傷盡。又有時上傷官。月支傷官。四柱無官星。亦謂傷盡。更身旺財旺。或印旺。名標金榜。一品貴人。

傷官多而見官。不宜復行傷官運。

傷官疊見正官。必爲師冕。

傷官不盡。又逢官。斬後徒流禍百端。月犯父子無全美。日犯自己主傷殘。時傷子息多狼狽。須知富貴不周全。若是傷官居太歲。必招橫禍遇斯年。

傷官傷盡最爲奇。福祿崢嶸亦壽彌。歲運更行身旺地。逢財身旺貴無疑。傷官傷盡復生財。器識剛明實偉哉。縱使祖財無分有。等閒玉帛自天來。

丙丁日主戌中旬。財透天干作用神。此格傷官官喜旺。只愁身旺反傷身。癸日無根本。月中局中有火反成功。當生不見南離物。火土行來數內空。

日主無根午上金。月通亥子水來侵。只宜印綬扶身旺。何慮提綱損用神。庚日全逢寅午戌。月逢子字是提綱。如逢金水翻作福。火土重傷破怎當。

傷官不忌比肩逢。七殺偏官理亦同。若是無官當忌比。如逢身旺却嫌重。  
傷官無官最忌駁。運入官鄉反見奇。歲運命中逢印綬。誠爲富貴定無疑。  
年上傷官實可嫌。重則傷身壽不延。傷官傷盡生財貴。財絕逢官禍必連。  
傷官傷盡始爲奇。又恐傷多反不宜。此格局中千變化。推尋須要用心機。  
傷官遇者本非疑。財有官無是福基。時日月傷官格局。運行財旺貴無疑。  
傷官其志傲王侯。好勝場中強出頭。路見不平須忿怒。抑強扶弱不干休。  
傷官傷盡復生財。財旺生官互換來。四柱若無官顯露。便言富貴莫疑猜。  
月令逢官在傷鄉。傷輕減力尙無妨。若見刑冲併破害。定知爲官不久長。  
傷官原是產業神。傷盡眞爲大貴人。若是傷官傷不盡。官來乘旺禍非輕。  
傷官遇劫聚財如柳絮隨風。傷官無印求利以荷錢擊雨。  
傷官逢財乃享優游之福。七殺同來疾損須憂。身旺無依孤尅難免。  
傷官不盡須防不測之災。

傷官泄氣。本爲敗神。臨身旺宜財。乃吉。遇官盛無印則凶。

傷官傷盡。日主興隆。身旺則吉。身弱則凶。

年帶傷官。父母不全。月帶傷官。兄弟不完。時帶傷官。子息凶頑。日帶傷官。妻妾不賢。傷官太重。子必有虧。

日露傷官。時露財。功名榮顯。肅烏臺。

傷官傷盡。行官運而無妨。

傷官有財而佩印。豈不作一品之官。

傷官而身旺無依。定爲僧道藝術之士。

重見傷官。身必辛勤勞苦。

日主傷官。歲入傷官。當破面。

傷官若見印綬。貴不可言。

傷官傷盡。多藝多能。使心機而傲物。氣高。多譎詐而侮人。志大。顴高。骨俊。眼大。眉粗。

傷官逢財而有子。

傷官見官。妙入印財之地。

傷官見財者。又官高而財足。

傷官之格。命中大忌。帶印帶財。翻成富貴。

傷官有財。死宮有子。傷官無財。子宮有死。

傷官無官。遇剝則滯。運行官鄉。局中反貴。

傷官有官。爲禍百端。運限去官。必主高遷。

傷官不可臨墓。住壽難延。

傷官用官。在年月必要剝官運。在日時不宜被傷。一見被傷。禍不可言。

傷官若見官星重疊。莫作官星論。（應是莫作傷官論）

傷官用印。不忌見官星。

傷官用財。不宜行比劫。

傷官若帶官。不宜行制伏。

傷官多者宜行印。印食多用印。傷官少又行印鄉。卽梟神奪食。

傷官若帶印。官殺不爲刑。

傷官若帶財。見印禍不輕。

傷官無官。再剝則滯。運入官鄉。局中反吉。

傷官時上見官星。傷官輕。日主健旺。再臨傷官運。可發名利。日主微弱。運歷財官鄉。禍不可言。

四柱傷官。天干最重。謂之福基受傷。終身不可除去。若月支更有甚於傷身七殺。人命原有些小傷官。不能損貴氣。或運入官鄉。官自旺強健。或入印運制伏傷殺。或有財生助。或從化入於別格。不失爲好命。怕再行傷地。病而不起者有之。否則文書口舌官事破財。殃禍踵至。

傷官柱元有財。又行財運。亦可成就功名利祿。一行官煞地。或財衰敗死絕地。卽失財。

祿。非官訟。則喪服重併。

四柱傷官。運入官鄉。當破面。

傷官用印。宜去財。傷官用財。宜去印。若財印俱全。將何發福。

傷官傷盡。無財可倚。雖聰明機巧。不過虛名虛利。

愚痴無知。皆因泄氣傷身。

傷官見官。妙入財印之地。

年傷官貴。才高那解成名。

心懷悔退。緣何事。重犯剝官位。

如逢脫氣排連。父還有壽。

身旺則宜泄。宜傷。

傷官食神并身旺。入庫興災。

比劫傷官若再旺。不但傷妻更損兒。

女犯傷官偏印。喪子刑夫。

傷帶財印兼生旺。而持綱持紀。

傷官透而正官隱。遇殺印而位重權高。

傷官如帶殺刃。出將相而入公侯。

傷官多而見官。頑石產玉。原有官而再見。災禍連綿。

傷官得食神重輔。麟閣圖魏相之功。歲運忌制伏刑衝。再傷官而禍至。

傷官逢劫刃。兼將相於明時。印綬若相扶。登龍門於早歲。

逢傷官反見夫。財命有氣。

若逢傷官月建。知凶處未必爲凶。

傷官見官。禍患百端。逐馬逢馬。勞苦千般。

傷官正官。傷盡則獨握權高。半殘則必遭蹇難。入庫傷官。陰生陽死。

傷盡官星。方知用祿。

一神用停左右。傷官竊本以待時。

傷官在天爲彗星。在人爲破神。主改革。完者破之。聚者散之。成者敗之。壞法無上。立心貪狠。金水疏略而聰明。土金陰毒而吝嗇。木火文明而誇誕。火土沈濁而昏濛。水木反覆而少信。

傷官格無官。身命健旺。尙可以傷官發揮其本能。一見官星。則逞凶橫。

除用刃殺之格。皆忌傷官見官。

陽日傷官兼殺。主福澤。爲人柔能克剛。外和藹而心有計慮。忌正印及偏財。如值正印。主於尊上緣法不足。值偏財主於卑下違逆不順。須正財比肩化解。可以轉禍爲福。陰日傷官兼殺。主勾絞小人。刑妻克子。須柱中有正印與食神化解。可以掌握權衡。忌梟神正財。柱中值之。呻吟不寧。歲運值之。百事不吉。如丙戌癸巳乙酉庚辰命。時上正官。年上傷官。月上梟神。行丁酉運。補成食神制殺。傷官逢梟之象。因失守論法死。又如庚戌辛巳甲子丁卯命。年上七殺。月上官星暗制殺。不合時上傷官。傷其正官。放出七殺。



爲崇。所以貧疾而夭也。此乃陽日逢殺用官。忌逢傷官之格。若以俗論去官留殺之法。推之。豈非吉凶相反。

凡用官逢傷。得正印扶官者。無不掌握正權。忌柱中見正財。如財印相持。謂之貪財壞印。主凶禍。又須羊刃或七煞去財守印。萬尙書云。官星有刃。掌萬將之威權。卽此謂也。喜財未增殺刃之聲譽。不可再見官星。蓋用殺之格。如大將專閫。便宜行事。最忌設置監軍。以掣其肘也。歲運逢官星。則羊刃七殺有所懾而不敢制財。財卽克印。而傷卽克官矣。主用人疑貳。自己專擅而僨事。六陰日傷官兼印。亦忌正財。喜敗財。忌重見正官。大抵此等格局。主爲人作事。非循謹一流。有膽識。有才略。其成功往往出於意想之外。六陽日傷官兼偏印。主意欲建設一事。往往被人破壞。有始勤終怠。進退悔懶之性。好學多能。博而不精。子息難存。喜歲運偏財正印爲福。如柱有偏財正印。歲運逢比肩正財不吉。轉以劫財七殺爲福神。蓋偏印能埋沒人之才能。傷官善阻撓人之建設。命中有此。雖有良平之智。蘇張之辨。賁育之勇。無可建白。必須用生我之正印以堵截其破。

壞之傷氣。用偏財以攻散其壅滯之梟氣。始能爲福。若用偏財而比肩爭權。用正印而身貪正財。則梟神傷官有恃無恐。而禍患百出矣。六陰日傷官兼偏印。反以偏印爲福神。忌偏財正印。又傷官乃財之印綬。因其有除舊布新之性質。故傷其官。財乃官星之印綬。因傷官破壞秩序之後。必須建設。故生其官。如此國家承平之後。繼之以亂。亂極思治。又繼之以治者相同。造化中有此象者。主享晚福。喜比劫運以顯傷官之功。忌官星運以成傷官之凶。何以言之。因運行比劫。正宜官星鎮懾。以免爭利。若柱有傷官。則比劫有恃無恐。豈能帖然而息爭端。故此格見比劫。不可更逢官星也。傷官格兼比肩。凡有吉凶皆成耦數。傷官見官者。主因自身之事干連他人。或因他人之事累及自身。如用傷官爲吉神。其應事亦主干連而成。傷官格兼劫財者。六陽傷官兼劫財。六陰傷官兼敗財。傷官劫財敗財者。如亂民戕官劫庫。頑不畏法。皆刑象也。造化中有之。六親刑克。財帛不聚。易招凶橫。喜正印制傷官。使官星得以破劫敗。若柱內無官。本命又虧耗。亦可用劫幫扶。如此者反忌官星。傷官兼敗劫之格。爲人反覆。主意不定。好虛誕欺。

詐。播弄是非。用劫財者。傷官護劫。多主爲人跋扈。格局堂皇者。主武功顯赫。傷官格兼食神。爲人陰狠強梁。行爲自相矛盾。常有作繭自縛之失。秉權者。朝令夕改。賞罰不明。須柱中去傷留食爲吉。如無去留。格卽不清。

食神秉偏氣。能合官。合印。伏殺。鎮刃。制傷官。清高好勝。自居不凡。四柱格象華貴。主爲宰輔。次爲翰苑之榮。以近世制度擬之。上者爲閣揆。次者如議員。及平政員之類。再次亦可爲鄉紳。此格四時各有變異。例如金人水食神。春月東風解凍。金爲陽火鎔化。水日多而金日少。乃迫於火威而生水也。水承火氣而生。木以作火之印。然火愈旺。而金體亦愈消。譬如一鈎之金。投於洪爐。轉瞬卽爲鎔液也。是以春令金人水食神。迫於不得不變。若命中有食有官殺。主早年讀書。或學工業。不致曠誤。且主爲人明敏。能建事業。但少安閒耳。夏月金人水食神。剝蝕尤甚。須賴己土以養之。若火炙水發。雖能聰明有爲。壽必不永。秋月金人水食神。雖有金水順生之機。然陽火日衰。金不惟不生水。而水反以變金。則金日多。而水日少。故凡液體之凝結者。皆熱減寒增而致。金水秋生。當

與春生者作反例。主六親凋零。財帛冷退。慳吝刻剝。有火者別論。冬月金水食神。寒氣愈增。金體愈堅。滯而不流。毫無生氣。生人值此。苦之極矣。須陽火以照之。丁火以暖之。戊丁以化之。方能反殺爲生。故古歌云。金水傷官喜見官。運逢官殺貴無端。卽此意也。食神與傷官異形而同氣。故其喜忌亦略同。至木火土水食神。於四時喜忌皆有不同。未可一例推也。春月木人火食神自然繁華。不待克制。夏月發洩太過。木氣虛怯。外雖錦繡。內質虧耗。秋月被金克伐。宜乎食而不華。殊不知桂菊秉秋氣。仍不能不黃白燦爛。此亦迫而爲食之象。故桂蕊粒粒而黃。菊瓣縷縷而細者。皆木之體魄。而金之精神也。冬月木氣萎縮。藏神於泉。本不生火。然梅花卽於此時傲霜雪而挺生。由此而知天之生氣。四時不竭。梅花之冲寒而生者。正以示水氣之刑中兼恩耳。木火食神在秋冬。生頗有極貴之格。以此故也。春月水木食神。變金者轉而生木。乃恩澤也。慈祥愷悌。榮貴之命。夏月炎火沸水。取木爲中和之氣。若火盛水少。沸騰不寧。安能生木。必主爲人操心勞力。所志不遂。秋月水氣已涼。不能榮木。必主爲人慳吝刻薄。志意不專。冬月水

冷金寒。木此時親火畏水。下藏土中。水雖有生之意。而木亦不安。故此等命親屬不和。孤僻自居。不能得人之歡心。及子孫之賢孝。春天火人土食神。以欣以榮。然印綬所在之地。不能并容。猶豫反覆。主難稱心。夏月火土順生。秋月財由食生。冬月食以避患。皆有裨益。春月土金食神。名爲死土。夏月印食并立。無所適從。秋月順食。冬月生財。亦皆有裨益。

(一)食神格兼官。食神爲陰陽官星之官。其氣尊貴。不同泛常。更加四柱吉神往來。決主大貴。蓋四柱有官。體象已貴。復見食神爲官星之官。豈不甚尊。所以科舉時代。凡命備食神者。卽令體局不廣。若稍有清氣。亦可青一衿。此格忌梟神。暗傷官。明奪食。如有此忌。須柱中有偏財。或正印。明暗扶持。可以秉權。如無偏財正印。須用羊刃化其梟神。古歌云。食神最喜劫財鄉。卽此謂也。如一狀元命。癸未、甲子、壬午、庚子。月上甲木食神。時上庚金梟之。取用年上癸水劫財爲用。運行西方。大魁天下。迨交己未正官運。官星制去年上劫財。以致癸水不能化庚金之頑。復值癸酉劫財流年以填之。大運又復犯



歲。所以其人是年卒。可知食神逢梟。遇劫相救。忌見官星。若四柱無劫可用。則官星逢梟。暗中受制。（陽日官星忌梟）必須用偏財正印以化解之。如用偏財逢比劫。用正印逢正財。皆主因財帛事。煩惱丁寧。及災病之事。柱中無梟神。有傷官。則傷官暗害食神。明害官星。主凡事破敗不成。小人勾絞。須歲運逢偏財正印。始可轉凶爲吉。然柱中原有正財羊刃。乃屬不吉。（干看克支。看沖刑絕死休敗）

（二）食神格兼殺。食神之本領在制殺。無殺則用以生財。蓋五行之性好勝。好勝則不受侵侮。故見七殺而用食神。然五行不見七殺。則氣壯。氣壯則思逞。故食神之後。繼之以財。譬一人焉。有欺彼者。則必報之。無欺彼者。則必欺人。此食神兼財及兼殺之象也。兼殺之格。有復仇之意。故主其治事精細。胸有謀畫。立志堅決。但殺強食弱之人。臨事多主躊躇。不能十分貫徹。殺弱食強之人。有忌惡太過。致招怨尤之愆。此皆太過不及。須歲運以調劑之者也。

（三）食神格兼正印。食神乃本命之相氣。所以護衛本命。而捍禦患難者也。印綬乃本

命之根源。所以滋生本命。而運用不窮者也。二者功用不同。故其取用不能無擇。大法食神氣淺。則忌印綬。本命消耗。則喜印綬。此譬如病實之人宜消導。病虛之人宜補益者是也。假使食神氣淺。而正印重疊。精華不能外發。抑鬱之極。必主其性情暴躁。作事不顯。如本身氣弱。食神重疊剝蝕。必主其操勞辛苦。子孫煩累。如四柱格象華貴。印食官層遞相制。謂之疊官主顯貴。

(四)食神兼偏印。自本干以正克遞推而上之。第一官星。次食神。次正印。次偏財。自本干以偏克遞推而上之。第一七殺。次食神。次梟神。次偏財。正克疊官。偏克疊殺。疊官者貴。疊殺者有吉有凶。食神兼偏印。乃疊殺之凶者也。蓋食以制殺。有梟則有志艱展。主爲人性情暴躁。作事草率。始勤終怠。財帛不聚。須疊偏財以制之。無偏財用正印暗制之。正印亦無。則用劫財以化解之。但劫財終有暗殺。食梟兼見之格。見此吉中藏凶。非純美也。

(五)食神格兼傷官。傷官與食神同類而異形。其害食神也。尤毒於梟神。乃密裏藏砒。

笑裏藏刀之象也。有此象者。主受小人之害。凡一言一動。彼亦捏造黑白。淆亂人聽。以墮失其信用。而損壞其聲名。梟神暗傷。傷官暗殺。不惟遭小人之忌。而財帛亦淡然無緣。且傷子損妻。亦不能免。然用七殺用羊刃之格局。却喜此凶神。何以言之。例如甲木休囚。取正印爲用。却逢正財爲忌神。此則必用羊刃劫正財而護印。乃柱中又見官星。殺其羊刃。食神傷其羊刃。如此。則取用梟神傷官以護刃。但此等用神。有冒險之象。得之者心地陰險。無惡不作矣。

(六)食神格兼正財。陽干食神兼正財。則財有蔭庇。陰干食神兼正財。財能暗梟。何謂暗梟。例如乙以丁爲食神。以戊土爲正財。丁食神以戊土爲傷官。能暗傷正印壬水。主克父母。及家庭財帛。婦女不賢之煩。喜柱中有敗財。主得賢弟兄維持。此乃見不見之形。最爲要訣。蓋食神生財。原屬吉象。殊不知財能倒戈。傷食受恩不報。轉加暗害。得此象者。豈非輸心待人。致遭反噬耶。如柱中或歲運又復見殺。而財且黨殺。不惟財帛破耗。更因此生出煩惱。若乙木不以丁火生戊土。則是乙不戀愛正財。而戊正財反有敬



畏乙木之心矣。此非寡恩。正所以防其驕蹇也。如柱中比肩敗財爭克戊土。戊土苦於虐遇。或戊土處於休敗之地。急需幫扶。此時以食神生之。譬如處困阨之人。稍爲濟之。彼必五中銘感。不惟不敢反噬。且不忍反噬矣。但饑之則附。飽之則揚。乃食神生財。必有之象。故財旺者不可以食神生也。

(七)食格兼偏財。大抵財食同宮。且各司一月之氣。故主富貴。例如甲生寅月建祿。卽此格也。內中暗有財官印。何以內藏財官印。蓋寅中甲隱巳。丙隱辛。戊隱癸。祿旣暗藏之貴。又屬三陽順生。安得不吉。但所畏者。有庚殺以傷身。壬梟以奪食。及己申之刑耳。又此格最畏生不逢時。如甲人申月逢寅食之類。苗而不秀。秀而不實。此格喜一往直前。喜順行。不喜阻逆。一順相生者富貴。

食格兼比肩。主得同類幫扶。惟一生虛而不實。易招妬忌。遇殺佳。主安享其福。第遇事不專斷。愛與人商議。有謙下之風。身旺者逢爭食。未免剛愎自用。度量褊淺之譏。食格兼刃。主遇事受小人阻撓。但仍不能爲害。多主大富貴。歲運遇梟神傷官害食神。

反主小人猖獗。羊刃逢食神作其傷官。則羊刃不敢劫財。故見財而食神方顯其用。反主有財有權。（錄命學發微）

傷官有刃。將相公侯。

食神帶七殺。英雄獨壓於萬人。

用食絕梟神。在位有得人之譽。

食神制殺。遂十年燈火之光。

刃輔傷官。際一日風雲之會。

時上食神騎祿馬。斯人唾手掇功名。

貴命傷官。風霜滿路。

奔走仕途少得。傷官就祿。

傷官羊刃日時。莊子鼓盆之嘆。

食多殺少又身柔。子少而性無發越。

傷官入墓。要分陰陽。陽傷官入墓。地老天荒。陰傷官入墓。有病何妨。  
傷官若見四柱。有子難繼。書香大運。倘得入財鄉。麒角麟毛可寶。

金水傷官得令。五經魁首文章。火土水木傷官。恃己凌人傲物。

傷官身旺若逢財。身到鳳凰臺。傷官身弱見傷官。平地起風波。

傷官運若見刑冲。一夢入幽冥。

傷官有情來合殺。金榜標名定是真。

羊刃傷官逢冲戰。性凶惡而與人少合。

食神祿旺有財星。子貴夫榮理最明。

食神祿旺財官衰。子貴夫愚無所託。

食神入墓子必損。(女)(命)

食神重見在中央。早年父母後先傷。縱然螫螫蝨斯羽。爪蹠綿綿也難當。(女)

金水傷官柱內逢。其人如玉更玲瓏。(女)

傷官太旺若無財。一對鴛鴦兩拆開。(女)

梟食傷官運見財。決然有子不須猜。(女)

時帶傷官。男命決然損子。

印綬與傷官。爲人奸吝偏淺。兼作事虛花。

四柱傷官。運入官鄉必破。又曰。傷官四柱有官星。運入官鄉破者輕。

傷官重而不忌官。

傷官復行官運。不測災來。

一位食神。富貴賢良之女。

傷官見官。格中大忌。不損用神。何愁官至。

傷官有財。死宮有子。傷官無財。子宮有死。

傷官七殺。反助爲權。

傷官之格。女人最忌。帶財帶印。返成富貴。

四柱元有官星。傷之尤重。元無官星。傷之則輕。若三合會起傷官之殺。及運行傷官之地。其禍不可言。

當生年干有傷官七殺。爲禍最重。謂之福基受傷。終身不可除去。若月時上見傷官之地。可發福矣。

入庫傷官。陰生陽死。

傷官不見官星。猶爲貞潔。

胞胎常墮。食旺身衰。

傷官無財難恃。雖巧必貧。

逢傷官反得夫星。乃爲財命有氣。

女犯傷官須改嫁。

傷官之格。喜新厭舊。有創作精神。

田園廣置。食神得位不逢官。

窮梟見食。坐座花枯。

冲官破食。棄子從人。

食居先。殺居後。功名兩全。

食神制殺逢梟。不貧卽夭。

食神乖疑。命帶梟神。應有禍。

尊堂福壽崇高。皆言甲到丙鄉。

朝省向貴優陞。蓋爲乙居丁舍。

官祿併疊。丙食戊而成功。

穀麥盈倉。丁啖己而有旺。

要得豐足。無遇戊得逢庚。

欲向高遷。全賴巳加辛地。

滿堂金玉。庚祿有壬。廣置田園。辛能食癸。

壬食甲而有旺。衆福如麻。癸向乙而生成。入食列鼎。

傷官爲人傲氣。不循規矩。能消耗父母之財物。視人不如己。喜財則榮。無財則貧。

甲逢丁而成燄。資財累歲多虧。乙遇丙而化灰。金玉自消難聚。天元正敗。丙見己而傷殘。干祿全輕。丁值戊而衰弱。

戊若逢辛。須仗吉以扶持。己宜輸庚。實賴五行之救助。庚申見癸。蕩散資金。辛祿遇壬。銷鎔福祿。年少逢災。壬傷乙運。祖財隨廢。癸被甲侵。

秋生甲乙透丙丁。莫作傷看。夏榮戊己。露庚辛當爲貴論。庚逢子重。水金寒最宜炎照。戊遇酉多金脫局。偏愛熒煌。

食神暗見。人物豐肥。梟印重生。祖產飄蕩。

男逢比劫傷官。尅妻害子。

女犯傷官偏印。喪子刑夫。

傷官食神并身旺。遇庫興災。

食神有氣勝財官。只怕梟神前外截。

食神善能飲食。體厚而好謳歌。

傷官傷盡。多藝多能。使心機而傲物。氣高。多詭詐而侮人。志大權高。骨俊。眼大眉粗。

傷官太甚。子亦難留。

傷官旺而幼傷夫。

食神一位逢生旺。招子須當拜聖明。

傷官疊見正官。必爲師冕。

傷官帶印。不宜逢財。傷官帶官。不宜行制伏。傷官用財。不宜行比劫。傷官用印。不宜見官殺。

傷官若見官星重疊。莫作官星論。

傷官用官在年月。必要剝官運。在日時不宜被傷。一見被傷。禍不可言。日主傷官。歲入傷官當破面。



食神帶旺賢。

財食在歲月。祖父蔭業豐隆。在日時妻男獲福。

四柱消息值平和。福德增重。若逢倒食之神。決主財多耗散。

食喜旺祿相助。月令建祿最佳。時祿次之。更逢貴人。運行食神生旺之地。大發福祿。忌身衰梟旺。柱中雖喜見財。亦不宜多。多則不清。不過一富翁耳。

食神大忌空亡。更有官殺顯露。巫醫術數之流。食神逢尅。又遇空亡。則不貴。再行死絕。或梟運。則因食上氣上生災。翻胃噎食。缺衣食。忍饑寒而已。

食神要生旺向祿。如甲食丙。丙生夏月。運歷東南。火土俱旺。其甲用財必厚。若生三春。甲旺。丙火雖得生。不知戊己氣薄。須歷南方火土俱旺。方許發福。

食神忌梟。亦有不畏者。如己亥不畏丁倒食。丁與壬合化木。而壬祿在亥。丙午不畏甲倒食。甲與己合化土。而己祿在午。乙巳不畏癸倒食。戊癸化火。乙巳亦火。癸巳不畏辛倒食。丙辛化水。癸貴在巳。庚爲衆陽之首。不畏戊倒食。戊陽氣歸源之數。見戊作喜神。

論己不倒食辛。陰氣初發散之源。庚不倒食壬。陽氣初發散之源。辛有丁。不畏己倒食。爲丁養育辛金也。況有丁處。便有己土。陰陽干涉。得清福之助。故六辛人切要丁。但從寅遁至辛人本祿位。方知用丁爲祿。更月是金家。己土火裏長生。故知要火爲文貴。金無父母。借火處有父母之氣故也。

食神者十干福祿之會。君子得之。顯達豐贍。小人得之。周旋給足。在福聚之地。官崇祿厚。在禍聚之地。職卑命薄。如以甲子論。食丙子爲福星之貴。食丙寅爲長生之祿。又爲祿馬同鄉。食神學堂之貴。丙辰爲正印。丙午爲自刑破命。丙申爲尅身破祿。丙戌爲身衰破空亡。餘干例推。遇生旺庫印。天乙。天官。華蓋。文星。學堂。官印。祿馬之類。爲福聚之地。遇尅破空亡。惡殺。刑害。休敗。死絕。爲禍聚之地。有華蓋正印。雖少增倍。無學堂驛馬。雖多減半。清貴之家。驕奢之族。以是別之。

食神見生旺。更帶祿馬旺相。文爲兩制兩省。武爲建節防團。無亦主財帛豐厚。食神與祿全見。四柱順當爲妙。

食神一處。當用一代於三。若遇休閒。三重不逮於一。食分二三。財如落葉秋風。梟遇一重。福若朝菌暮落。

食神若遇空閑。大抵難逃憔悴。

子反哺時逢子建。更值貴人喜相見。建官又在貴人鄉。鳳閣鸞臺歷華選。返哺者年月日時皆自下食上。見天乙官印吉殺主貴。

食神嫌倒爭啜爭哺。忽併臨之。乏漿乏乳。有餘則食前方丈。不足則簞食豆羹。

犯梟神在命。多被人撓。重疊帶者。在幼兒則言乏乳。在老人則言缺食。正食而有餘者。富貴。爭食而不足者貧賤。有餘如甲人得兩丙三丙。不足如三甲兩甲止有一丙之類。凡時干倒食年干者曰吞。主尅子。日時俱食。主頭面帶破。并尅母。死後無子送終。

吞中逢吞。如甲人見壬。日時又逢庚字。主貧死溝壑。有干合解則緩。

食神生旺。勝似財官。濁之則賤。清之則烜。重則不足。擬作傷官。雜氣無用。分詳多端。壽星合處得其真。此說不虛陳。一座食神身坐官。三監九卿看。

食神名爲吉曜。制殺號稱壽星。干強食旺。富貴之士。食旺身衰。蹭蹬之人。逢財旺則食前方丈。遇印綬則甑底生塵。見一位者鐘銘鼎彝。二三者陋巷簞瓢。羊刃重臨。平生勞碌。刑尅相會。一世奔波。

食神制殺吉非常。財旺妻榮子更强。柱中若無吞啗殺。管教金殿佐君王。  
食神逢祿號天厨。衝尅空亡官殺無。死絕運臨偏印地。壽星合處福交孚。  
食神食退好烟霞。食馬心馳別立家。或食貴人併食祿。名高爵重福無涯。  
食神印綬不宜逢。惟見財官福更隆。食神喜行身旺地。逢梟逢比總成空。  
食神生旺最堪誇。惟有木水土金佳。官殺更無來混雜。平生衣祿足榮華。  
食神居先殺居後。衣祿平生福最厚。殺近食神却有殃。終日塵寰慢奔走。  
壽元合起最爲奇。七殺何憂在歲時。禁凶制暴干頭旺。此是人間富貴兒。  
甲人見丙本盜氣。丙去生財號食神。心廣體胖衣祿厚。若臨偏印主孤貧。  
食神有氣勝財官。先要他強旺本干。若也反傷來奪食。忙忙辛苦禍千般。

食神月上號天廚。人命逢之富有餘。切忌梟來明滅福。最嫌衝去暗消除。

甲食丙。丙祿在巳。乃食神得祿。曰天廚祿。須干支全見。若有丙無巳。有巳無丙。則非人命五行有廚。月令上純粹。四柱順食。主福慧優游。更與財庫相會。主享父母財帛。居官食祿豐厚。

甲人見丙寅丙子。乙人見丁亥丁丑。得本旬中真食神。主享受自然。遇者非貴亦富。（是以年論不以日取）

甲食丙。甲子見丙子之類。十三位即同。乃本家物也。得此者不貴即富。若互換生旺帶祿貴者大貴。

倒食本家。如甲子見壬子時。庚子見戊子時亦貴。但損子。

甲人見丙有辛合。己人見辛有丙合之類。為食神帶合。主為官有權印。

丙食戊而得戊。戊辛食癸而得癸。丑壬得甲辰。乙得丁未。謂之紅鸞天印。日時得主富貴。

辛巳得癸巳癸亥。丙寅得戊寅。戊申得庚申。己巳得辛亥。庚午得壬申。甲戌得丙寅。壬辰得甲申。謂之墨池涌泉。

專食合祿格。書云。庚申時逢戊日。名食神干旺之方。歲月犯甲丙卯寅。此乃遇而不遇。  
(按此格即天廚食神不必作合祿看)

食格惟建祿。身旺。最貴。不專秋冬生。

專印合祿。乃六癸日見庚申時。合起乙巳二字。三奇俱全。忌戊己巳午。及丙尅庚。寅衝申。則減分數。

附傷官食神陰陽之分析觀(命學發微)

傷官食神。皆盜洩我精氣之物。一陰一陽爲傷官。出乎異性。故其氣偏。陰見陰。陽見陽。爲食神。同屬一性。故其氣純。蓋日主之精氣破洩。英華外發。既有陰陽之異同。當有性氣之純偏也。

傷官之中。復有陽生陰。陰生陽之分。陽生陰者。由剛以生柔。陰生陽者。由柔而生剛。



若食神則純陽者剛。而純陰者柔也。

傷官因出乎異性。其氣亦偏。故雖聰明出衆。穎悟不凡。而性高傲物。我是人非。自恃氣盛。皆所不免。若屬陰生陽者。稍轉陽剛之氣。而陽生陰者。不免陰柔多藏矣。食神則同屬一性。聰明量洪。優遊自足。謹飭守方。不作險想。惟純陽而身強者正。純陰或身弱者亦當別論也。

傷官食神不僅陰陽之差別。因屬於金木水火土五行之各異。其發洩於外者。亦有不同。屬於木行者。好生多仁。華秀曲直。屬於金行者。好義守方。堅剛改革。屬於水行者。多智善謀。執性不定。屬於火行者。好禮逸亮。發越炎上。屬於土行者。守信誠直。好學性厚。惟或因身弱不足發洩。或遇忌物有害斯神。不能拘泥。當作反觀也。

傷官食神均忌衝合。衝則阻其發洩。合則貪合忘洩。惟傷食多者。或畏傷食者。不忌焉。命造有食神多見者。必多思想。好作主張。每無成見。有傷食并見者。心思繁亂。好涉羣學。少有獨造。

正格中。惟傷食爲我精氣之發洩於外者。陰陽之異同表現易見。惟此格無財。雖巧必貧。蓋精氣既洩於外。當使有所歸宿也。

### 第七節 比肩格

比肩格命式（又名建祿格）

庚子

戊子

癸丑

庚申

比肩坐旬空。如影隨形。主虛花不實。及假名欺騙之事。

日干下之吉凶神透出者。主禍福由己而及人。比肩乘干坐支之吉凶神。生克日干之用神忌神者。主禍福由人而及己。

比肩格。四柱有吉處卽起爭端。主爲人量狹無度。不能容物。



建祿格。祿內之人元作本身看。不作比肩看。

比肩格卽建祿格。不招祖業。不聚財。病少壽長。行運遇比肩。破財喪妻剋父。

官星有助。財星有助。大運臨財官之地。亦可富貴。

時逢財庫。晚景大富。

財官俱旺。富而且貴。

建祿格。比劫多。無祖財。孤貧。虛僞。爲人大模樣。

丁生午月。財官俱敗。順逆兩運。多主尅妻。

第八節 敗財格羊刃

羊刃格命式

財辛丑 財傷官

印甲午 傷劫刃

丙申 殺才食

殺壬辰 官食印

此格主一生作事。小人阻撓。凶中藏吉。吉中藏凶。明是實境。倏變海市蜃樓。乃不可捉摸之象也。性情好辨論真假。却不能一致。柱中有官星。可以化解。有財無官。爭端斯啟。有官有傷。是非頻頻。此格惟忌財者可以用之。以致貴顯。

羊刃格性好篡竊。執拗不馴。心地勾屈。好借異類以凌同類。四柱逢此。主爲人暗算。財帛虛空。六親冷淡。言行詭詐。喜官星明制。食神暗制爲福。

此神鎮守正印。忠義節操。蓋代功名。

見三刑。或自刑魁罡。全發跡邊疆。

刑害俱全。類皆得地。又有救神。貴不可言。

陽刃重重。又見財。富貴饒金帛。

甲戌庚見刃逢冲。發禍多驗。壬丙逢刃。見子午冲。多無禍。

羊刃喜偏官印綬。忌反吟。復吟。魁罡。三合。

命原有殺刃。歲運又逢。或有刃無殺。歲運逢殺旺之鄉。俱發大禍。命原有刃有印無殺。歲運逢殺。反轉成厚福。

原帶傷官財星。再逢刃。禍害極重。

命原有刃。歲運不宜再見傷官財地。

日刃忌沖合。三會六合。刑破。故不喜。

刃生身死。其年難作吉推。

月帶七殺。時帶羊刃。日主有氣大貴。

月帶羊刃。時上略帶官星。力不能制。亦凶。

男命見敗劫。又見傷官。必尅妻子女。命尅夫。

羊刃重二三四。必須患疾盲聾。

第九節 論五專格（命學發微）

前人採用洪範五行所載之炎上、潤下、曲直、從革、稼穡等名稱。以爲五行純一者之格。

局。其理亦是。此等格局不雜他行。以富貴論。如炎上雜微土。則火多土焦。雜微金則俄頃銷鎔。雜微水則煙塵立起。雜微木則焚化無形。是以此等命忌見摻雜。調濟不勻。然使財官不摻雜。又有身旺無依之嫌。則雜固不可。專一亦有不足。故遇此格局。以常法論之最妙。不可徒拘其格局也。

虎遁炎上格

癸亥

丙辰

戊寅

丙辰

此命年日戊癸。遁得丙辰月時。爲炎上格。陰命人。丙辰作敗財。運行壬子癸丑。安享大富。

虎遁潤下格

丙寅

壬辰

辛亥

壬辰

此命年日丙辛。遁得壬辰月時。爲潤下格。陽命人。見壬辰謂之遁本身。所以位登黃閣。

虎遁曲直格

丁亥

甲辰

丁亥

甲辰

此命年日丁亥。遁甲辰月時。爲曲直格。陰命人。以甲辰爲敗財運。行庚子運。大魁天下。

丁未

乙巳

丁未

乙巳（明天啟后）

此命亦曲直格。帶雙巳。故難正官。

虎遁從革格

庚子

庚辰

庚子

庚辰

此命年日遁庚辰。月時爲從革格。從革兼傷官盜氣。申運祿元會傷官。是以凶否。又一庚辰庚辰庚子庚辰命。強盜分屍。一乙亥庚辰庚辰庚辰命。甲戌運己未年。凌遲死。凡動物皆屬木。假金以堅之。但四柱金多則損木。極驗。以上數造。是其例也。

虎遁稼穡格

甲午

戊辰

戊申

戊午

此命年遁戊辰。日遁戊午。三戊居辰午申。名連珠稼穡。（六壬以辰午申爲登三天）  
且年月拱己祿。日時拱未貴。滿盤皆有氣象。故貴爲天子也。

# 上海文書局發行

## 命理彙刊

二十五冊 八元

河洛理數	四冊	一元一角
五行大義	一冊	二角五分
張果星宗	四冊	一元二角
淵海子平	合二冊	七角五分
子平真詮	二冊	六角五分
神峯通考	四冊	一元六角
三命通會	四冊	一元六角
滴天髓	合一冊	三角
窮通寶鑑	四冊	一元二角
星平會海	二冊	八角
選擇正宗	一冊	一角五分
董公選要覽	一冊	一角五分

## 相法彙刊

二十二冊 六元

神相全編	六冊	一元五角
照膽經	一冊	二角
太清神鑑	一冊	三角
相理衡真	四冊	一元三角
神相水鏡集	二冊	八角五分
麻衣相法	二冊	六角五分
柳庄相法	二冊	三角五分
神相鐵關刀	一冊	三角
演禽三世相法	二冊	四角五分
白鶴仙數	合一冊	一角
神骨冰鑑	一冊	一角

各省中華書局經售



# 上海文書局發行

## 占卜彙刊

易隱	增刪卜易	梅花易數	卜易指南	六壬尋原	六壬指南	六壬昴斯	六壬鬼撮脚	奇門遁甲統宗	煙波釣叟歌	奇門五總龜	奇門元靈經	靈棋經	牙牌神數
二十五冊	三冊	二冊	二冊	三冊	二冊	一冊	一冊	四冊	一冊	一冊	一冊	一冊	一冊
六元	八角	五角	一元	八角	五角	二元	一元	九角	二角	五角	二角五分	二角五分	一角五分

## 堪輿彙刊

地理正宗	地理錄要	地理末學	地理知本金鎖秘	穿透真傳	乾坤法竅	平砂玉尺經	郭璞葬經	水龍經	羅經透解	羅經解定	陰陽二宅全書	陽宅大全	陽宅紫府寶鑑
二十五冊	二冊	二冊	二冊	一冊	二冊	一冊	合一冊	二冊	二冊	二冊	四冊	三冊	一冊
七元	六角	五角	五角	一角五分	六角	三角五分	四角五分	四角	五角	四角五分	一元三角	八角五分	二角五分

各省中華書局經售

